



www.landspitali.is/Klinisk-svid-og-deildir/Gedsvið

Geðsvið Landspítala 2011

Ávarp framkvæmdastjóra geðsviðs – Öryggi og gæði í fyrirrúmi



Páll Matthíasson
framkvæmdastjóri geðsviðs

Á ný nær starfsfólk geðsviðs frábærum árangri!

Með samstilltu átaki tókst starfsfólkinu að halda rekstri síðasta árs innan fjárheimilda, sem ekki er sjálfgefið, þegar dregur úr fjárframlögum til starfseminnar þriðja árið í röð. Það sem er enn mikilvægara er það að þetta takmark náðist án þess að dregið hafi úr öryggi sjúklinga eða þjónustu og án þess að starfsumhverfið hafi liðið fyrir.

Undanfarin ár hefur gæðaráð geðsviðs staðið fyrir þjónustukönnun þar sem sjúklingar eru spurðir út í reynslu sína og álit á þjónustu okkar. Niðurstöðurnar í ár voru svipaðar, en heldur betri en fyrr; fólk er almennt ánæggt með þjónustuna (84% þátttakenda) og telur hana hjálplega, viðeigandi og alúðlega. Áfram er þó aðeins

kvartað undan skorti á einhverju til að fást við, sérstaklega á móttökudeildum og hluti sjúklinga upplifir sig óöruggan á legudeildum. Álit og mat sjúklinga og aðstandenda er ásamt árangri meðferðar mikilvægasti mælikvarðinn á árangur þjónustunnar. Því er mikilvægt, jafnframt því að gleðjast yfir góðum niðurstöðum, að huga að úrbótum.

Starfsumhverfiskönnun starfsfólks er nýlokið og var rúmlega 80% þátttaka á geðsviði, betri en nokkurn tímann áður. Starfsfólk geðsviðs er ívið ánægðara með sitt starfsumhverfi en almennt gengur og gerist á Landspítala og eru tölurnar betri en í fyrra, sem er fagnaðarefni.

Eftir öryggis- og gæðaverkefni síðasta árs, þar sem hæst bar opnun nýrrar réttargeðdeilda að Kleppi nú í marsbyrjun, þá er kominn tími til að taka upp næsta verkefni. Nú er ætlunin að endurskoða starfsemi móttökugeðdeilda geðsviðs á Hringbraut. Á starfsdegi stjórnsenda geðsviðs í byrjun mars síðastliðins var farið yfir mismunandi breytingahugmyndir. Leiðarljós vinnunnar voru öryggi og bætt þjónusta. Unnið er að aukinni

sérhæfingu almennu móttökudeildanna. Ein þeirra mun væntanlega verða svokölluð geðgjörgæsludeild og einbeita sér að þjónustu við bráðveika einstaklinga sem þurfa sérstaklega mikla meðferð og hjúkrun. Það skapar möguleika fyrir hinar deildirnar til að sérhæfa sig á annan hátt. Fiknigeðdeildin er einnig að endurskoða sitt hlutverk og verkferla. Allt þetta er skoðað í samhengi við almennu göngudeildina og bráðamóttöku geðsviðs. Um er að ræða flókið endurmat á kerfi sem hefur að mörgu leyti gefist vel, án róttækra breytinga í yfir 30 ár. Fundum mínum með starfsfólki er að ljúka, en þar fengust mikilvægar hugmyndir um úrbætur. Kynning til annarra haghafa; sjúklingasamtaka og annarra þátta velferðarþjónustunnar kemur í kjölfarið. Stefnt er að því að breytingar komist í gagnið 1. mars 2013 svo töluverður tími er til stefnu, enda um flókin og mikilvæg ferli að ræða.

Það eru spennandi tímar framundan – lífið heil. Páll Matthíasson

Rekstur og starfsemistölur

Rekstur geðsviðs 1. jan 2011 - 31. desember 2011		
Tekjur		64.626
Launakostnaður		-2.932.784
Rekstrarkostnaður		-194.832
Samtals		-3.062.991
Fjárheimild		3.075.561
Rekstur undir fjárheimild		12.570
% undir fjárheimild		0,4%

Tölur eru í þúsundum króna.

Komur á göngudeildir, samfélagsgeðteymi og bráðapjónustu geðsviðs		
Tímabilið 01/01/2011-31/12/2011		
	Á dag	Samtals
Göngudeild Hringbraut	52	13.099
Göngudeild fíknimeðferðar	35	8.748
Göngudeild Kleppi	33	8.274
Göngudeild átröskunar	6	1.623
Samfélagsgeðteymi	11	2.764
Bráðapjónusta geðsviðs	13	4.624
Samtals	150	39.132

Komur á dagdeildir geðsviðs		
Tímabilið 01/01/2011-31/12/2011		
	Á dag	Samtals
Dagdeild átröskunar	4	797
Dagdeild fíknimeðferðar (Teigur)	13	3.364
Dagdeild Hvítabandi	12	2.694
Dagdeild endurhæfingar, Hátúni*	42	4.414
Dagdeild endurhæfing LR	9	2.142
Samtals	79	13.411

*Lokaði 1. júní 2011

Mannauður

Starfsfólk geðsviðs - 2011			
	Stöðugildi	Starfsmenn	Meðalaldur
SFR	142	182	41
Félag íslenskra hjúkrunarfræðinga	93	121	48
Sjúkraliðafélag Íslands	51	56	51
Sálfræðingafélag Íslands	46	56	44
Félagsráðgjafafélag Íslands	38	43	47
Læknafélag Íslands	42	51	49
Efling	7	7	47
Aðrir	13	18	43
Samtals á geðsviði	431	534	45
		KK 33%	
		KVK 67%	
	2011	2010	2009
Starfsmannavelta á geðsviði	13,0%	19,1%	13,3%
Fjarvistir vegna veikinda á geðsviði	7,4%	7,3%	7,5%

Legudeildir geðsviðs				
Tímabilið 01/01/2011-31/12/2011				
	Fjöldi rúma	Meðallegu-tími*	Fjöldi dvala	Fjöldi einstaklinga
Móttökugeðdeildir				
32A	18	11	482	317
32C	17	11	443	308
32CB - bráðapláss	2	1	281	234
33C	16	13	405	273
Fíknigeðdeild				
33A	15	8	546	375
Endurhæfingargeðdeildir				
Deild 12	11	69	61	44
Deild 13	12	50	93	62
Deild 13A - 5 daga deild	11	33	75	49
Endurhæfing LR	7	102	22	19
Réttar- og öryggisgeðdeildir				
Deild 15	8	91	36	22
Sogn **	7		7	7
Geðsvið samtals	124	13,1	2.505	1.190
Á árinu 2011 var 5.619 einstaklingum sinnt af starfseiningum geðsviðs				

* Meðallegutími útskrifaðra ** Réttargeðdeild Kleppi frá 1. mars 2012



Gæðamál

Gæðaráð

Gæðaráð geðsviðs sem er fjölfaglegur starfshópur, starfar í samráði við framkvæmdastjóra og stefnir að bættu öryggi og þjónustu við sjúklinga og starfsfólk. Í upphafi starfsársins lét gæðaráð setja upp verkefnavef á Sharepoint, til að fundargerðir og verkefni ráðsins væru aðgengileg öllu starfsfólki á geðsviði. Gæðaráð stýrði framkvæmd þjónustukönnunar á bráðageðdeildum við Hringbraut. Unnið var að bættu verklagi varðandi atvikaskráningar. Á árinu fór mikil vinna í gerð verklagsreglna í gæðahandbók geðsviðs. Vefsíða geðsviðs hefur verið í sífelldri þróun. Á ytri vef sviðsins hafa verið gerðar breytingar sem verða þróaðar áfram og er ætlað að koma betur til móts við þarfir neytenda þjónustunnar.

interRAI

interRAI hefur verið í áframhaldandi þróun hjá geðsviði og heilbrigðis- og upplýsingatekniðeild. Yfirumsjón interRAI á Íslandi var flutt frá Velferðarráðuneytinu til Embættis Landlæknis í marsmánuði 2012. Tækniþróunarsjóður Rannís ákvað á árinu að veita styrk til vinnu við þróun kostnaðargreininga úr interRAI kerfunum. Heiti verkefnisins er „Samræmdur kostnaðarútreikningur í geðheilbrigðis-, öldrunar- og heimaþjónustu“. Verkefnið er samvinnuverkefni Embættis landlæknis, Landspítala og Stika ehf. Ábyrgðarmaður verkefnisins frá Landspítala er Páll Matthíasson.

Viðbrögð og varnaraðgerðir

Á árinu voru að venju haldin námskeiðin; viðbrögð og varnaraðgerðir gegn ofbeldi fyrir þá sem tóku til starfa í varnarteyminu og sjálfsvarnarleiðir fyrir allt starfsfólk geðsviðs. Paul Dobson hjúkrunarfræðingur og yfirleiðbeinandi í viðbrögðum við ofbeldi á geðsjúkrahúsi í Englandi hélt eins dags námskeið fyrir leiðbeinendur geðsviðs. Jón Snorrason fór á reglubundinn fund Eviprg (European violence in psychiatry research group) á árinu m.a. til að undirbúa málþing á Íslandi á árinu 2012 með þátttöku Eviprg um ofbeldi á geðdeildum.

Vísindi og menntun

Fræðastofa geðsviðs

Útibúi Heilbrigðisvísindabókasafns LSH á geðsviði var breytt í fræðastofu geðsviðs á árinu og bókasafns- og upplýsingafræðingur ráðin þangað í hálf t starf. Tímarit voru flutt í Eirberg, bókakostur yfirfarinn og fundaraðstaða með skjávarpa sett upp. Starfsfólk geðsviðs getur nú bókad fundi í stofunni frá kl. 08:00 -11:00 á virkum dögum í gegnum bókunarkerfi læknaritara á fjórðu hæð Hringbrautar. Bókasafnsfræðingur hélt námskeið í heimildaleit fyrir nema og fagfólk á geðsviði og mun sá þáttur aukast í starfi hennar árið 2012 auk þess sem bókasafnsfræðingur mun koma að vinnu við heimasíðu og viðburðadagatal geðsviðs í samvinnu við verkefnastjóra vefsíðu geðsviðs. Fræðastofa geðsviðs er á fjórðu hæð geðdeilda við Hringbraut.

Geðlæknisfræði

Ritryndar greinar voru 21, þar af 19 í erlendum vísindatímaritum og tvær í Læknablaðinu. Engilbert Sigurðsson dósent skrifaði einnig tvær ritstjórnargreinar í Læknablaðið, en hann er ritstjóri blaðsins. Staða prófessors í geðlæknisfræði var auglýst í ágúst mánuði þegar Hannes Pétursson prófessor lét af störfum. Tvær umsóknir bárust um stöðuna og var Engilbert Sigurðsson skipaður prófessor í geðlæknisfræði til 5 ára frá 1. mars 2012. Alls voru 15 deildarlæknar við nám í geðlækningum á geðsviði á árinu 2011. Tveir þeirra hlutu sérfræðiviðurkenningu á árinu. Bertrand Lauth barna- og unglingageðlæknir lauk doktorsprófi í maí 2011. Hannes Pétursson og Engilbert Sigurðsson voru umsjónarkennarar hans í náminu. Nanna Briem umsjónarmaður framhaldsnáms sérnámslækna situr í kennsluráði ásamt framkvæmdastjóra og forstöðumanni fræðasviðs í geðlæknisfræði og tveimur deildarlæknum. Námslæknar þreyttu staðlað amerískt próf, PRITE, í október, líkt og þeir hafa gert árlega frá 2009. Að auki var í fyrsta sinn haldið klínískt munnlegt próf fyrir námslækna í maí með fjórum stöðvum. Læknar á sviðinu voru meðumsækjendur að 5 minni vísindastyrkjum á árinu og einum stórum styrk: Engilbert Sigurðsson hlaut fyrir hönd Landspítala styrk til fjögurra ára í samstarfsverkefninu CRESTAR innan sjöundu rammaáætlunar Evrópusambandsins til að rannsaka svörun við meðferð með geðrofslyfjum og leita erfðapátta tengdum hættu á aukaverkunum clozapínmeðferðar.

Hjúkrunarfræðingar

Megináhersla er á þjónustu sem eykur lífsgæði og styrkir sjúklinga til sjálfsbjargar. Leitast er við að horfa á einstakling út frá heildrænu sjónarhorni við mat og gerð meðferðaráætlana. Fjölskylduhjúkrun er því mikilvægur þáttur í þjónustunni.

Í doktorsnámi var einn hjúkrunarfræðingur og 11 í eða luku meistaranámi. Einn í diploma námi í fjölskyldumeðferð. Tveir eru í ritstjórnnum erlendra vísindarita, einn meðhöfundur í erlendra fræðibók. Tveir meðhöfundar í innlendum vísindagreinum og fjórir í erlendum vísindagreinum. Sex héldu fyrirlestra á erlendum ráðstefnum.

Félagsráðgjafar

Megináhersla er á gæði þeirrar þjónustu sem félagsráðgjafar veita. Viðhorf og reynsla varðandi andlega, líkamlega og sálfélagslega þætti vegna meðferðar, fjölskyldustarfs og endurhæfingar er mikilvægur þáttur í starfinu. Í doktorsnámi er einn félagsráðgjafi, ellefu eru í meistaranámi. Tvær vísindagreinar voru birtar í innlendum tímaritum og ein í erlendu tímariti.

Sálfræðingar

Sálfræðingar á geðsviði sinna fjölbreyttum rannsóknum á sviði klínískrar sálfræði, réttarsálfræði, taugasálfræði og í öldrunarfræðum. Styrkir til rannsóknaverkefna sálfræðinga og samstarfsfólks þeirra og nemenda á árinu 2011 námu samtals um 19 milljónum króna og á árinu birtu sálfræðingarnir 20 vísindagreinar með samstarfsfólki sínu í alþjóðlegum ritryndum vísindaritum, þrjár í íslensku tímariti og einn bókarkafli í innlendra bók. Í doktorsnámi voru sex sálfræðingar á geðsviði og tveir starfsmenn í meistaranámi, ásamt því að vera öll í hlutastarfi á Landspítala. Samtals leiðbeindu sálfræðingar á sviðinu átta doktorsnemum og 21 meistara- og Cand. Psych. nema árið 2011 og leiðbeindu 21 sálfræðinema í starfsþjálfun.

Málþing geðsviðs 2011

Málþingið var haldið í Öskju að viðstöddum 130 manns. Titill þess var „Á leið inn í samfélagið - breytingar í geðþjónustunni“. Fjölmarginir aðilar úr velferðarþjónustunni kynntu nýjungar sem orðið höfðu á geðheilbrigðisþjónustu frá 2009. Graham Thornicroft, prófessor við Institute of Psychiatry, University of London og samfélagsgeðlæknir í Lundúnum hélt erindið: „Better mental health care - community based services“.

Starfsemin

Nýr garður

Afgirtur garður var tekinn í notkun við geðdeildina á Hringbraut nú í ársbyrjun. Þetta var gleðilegur atburður fyrir sjúklinga og starfsfólk geðsviðs. Evrópunefndin um varnir gegn pyndingum og ómannlegri eða vanvirðandi meðferð eða refsingu, benti í síðustu skýrslu á mikilvægi þess að sjúklingar sem hafa verið nauðungarvistaðir eigi þess kost að dvelja í fersku lofti daglega. Nú er það mögulegt. Með tíð og tíma mun þarna verða vistlegt útivistarsvæði með plöntum.

Fíknigeðdeild

Á liðnu ári réðust til starfa nýr deildarstjóri og nýr yfirlæknir. Lögð hefur verið aukin áhersla á að skoða hlutverk, stefnu og framtíðarsýn með það að leiðarljós að bæta sérhæfða þjónustu. Í tengslum við þessa vinnu hefur samráð og samstarf við SÁÁ verið aukið og markvisst hefur verið unnið að því að skilgreina verkswið þessara mismunandi þjónustukerfa. Framtíðarsýn er í þróun í umbótaverkefninu: „Í takt við tímann“.

Öryggis- og réttargeðþjónusta

Fyrstu helgina í mars fluttust sjúklingar réttargeðdeildarinnar að Sogni á nýja réttargeðdeild að Kleppi. Á deildinni eiga að vistast þeir sem eru ósakhæfir en það eru einstaklingar sem eru taldir svo alvarlega veikir á verknaðarstund að þeir hafi ekki getað borið ábyrgð á gerðum sínum. Það er ljóst að hin nýja deild er mikið framfaraspor fyrir sjúklingana og aðstandendur þeirra. Öll endurhæfing og fagþjónusta mun styrkjast.

Starfsemi réttargeðdeildarinnar byggir á sérhæfðri meðferð, endurhæfingu og öryggisgæslu dæmdra ósakhæfra sjúklinga. Meðferðin er marghliða og krefst samvinnu fagfólks með viðtæka þekkingu. Sjúklingar deildarinnar verða virkir þátttakendur í eigin meðferð innan ramma öryggisgæslunnar. Lögð er áhersla á þverfaglega teymisvinnu þar sem unnið er að heildrænni meðferð og aukinni virkri þátttöku í samfélaginu.

Annáll

Maí 2011 – Mars 2012

Málþing geðsviðs var haldið í Öskju.

Vorfagnaður geðsviðs var haldinn í Valsheimili.

Vísindadagur félagsráðgjafa.

Dagdeild 28 á endurhæfingu geðsviðs í Hátúni lokað.

Móttökugeðdeild 32C var lokað í mánuð og gerðar voru endurbætur á húsnæði þar sem öryggi og aðbúnaður sjúklinga var bætt til muna.

Elín Björg Héðinsdóttir, bókasafns- og upplýsingafræðingur hóf störf á fræðastofu geðsviðs.

Kjartan J. Kjartansson, leysir af sem yfirlæknir á fíknigeðdeild.

Ákvörðun tekin um að leggja niður réttargeðdeildina að Sogni þann 1. mars 2012 og opna nýja réttargeðdeild að Kleppi.

Brosinnasala 10. október fer fram úr björtustu vonum, alls söfnuðust 4,2 m.kr. sem notaðar voru til að bæta aðstöðu sjúklinga

Vísindaping sálfræðinga.

Ína Rós Jóhannesdóttir ráðin hjúkrunardeildarstjóri á móttökugeðdeild 32A.

Sylvía Ingibergsdóttir ráðin hjúkrunardeildarstjóri á endurhæfingargeðdeild 12 í 1 ár.

Guðmundur Sævar Sævarsson ráðinn hjúkrunardeildarstjóri á réttargeðdeild Kleppi.

Helga Sif Friðjónsdóttir ráðin hjúkrunardeildarstjóri á fíknigeðdeild.

Starfsfólk endurhæfingar á Kleppi hóf undirbúning að hugmyndafræði: „Recovery Model“ með það að markmiði að gera þjónustuna notendavænni.

Nýr afgirtur garður tekinn í notkun við geðsvið Hringbraut.

Halldóra Jónsdóttir ráðin yfirlæknir á deild 32C til næstu áramóta.

Réttargeðdeild opnar að Kleppi.

Engilbert Sigurðsson, yfirlæknir skipaður prófessor í geðlæknisfræði.

Kjartan J. Kjartansson, ráðinn yfirlæknir á fíknigeðdeild.

Starfsdagur stjórnenda haldinn.



Niðurstöður starfsumhverfiskönnunar árið 2012

